

ICON
TYRANNI
IN INVECTIVA
CONTRA
MAZARINVM
EXPRESSA.



PARISIIS,


M. DC. XLIX.

ICON
TYRANNI
IN INVECTIVA
CONTRA
MAZARINVM
EXPRESSA.



PARISIIS.

M. DC. XLIX.



Ad Senatum Parisiensem.

P Ecceasti nunquam, Senatus Illustrissime, & quoties in reos tua detonuit iustitia, toties à Diuum Consistorio, dicebat excusum fulmen, vel qui te nesciebat fulminasse. Scilicet hoc est fatum tuum, neminem ut ferias, quin gratiam putet, etiam dum te seueriorem experitur; adeo nimirum sustines capitis sententiam, donec vel obnitenti contra toti clementiæ tuæ, præponderet scelerum iniquitas. Sed quamquam hæcenus illustrati radijs solaribus æquitaris tuæ, fulmina, Postremum hoc nihilominus, in scelestum Mazarini caput, intortum, toto illustrasti sole, itaque, ut vel ipsis eius scelerarijs videri nihil possit æquius, nisi tamen in tanto tantæ Maiestatis tuæ splendore cecutiunt. Unum enim, gladio Themidis tuæ cum subiecisti Mazarini caput, totam eiusdem Mazarini gladio, substraxisti Galliam, quæ peribat tota, nisi vel unus ille periret. Vide quàm compendiosè feceris multa, qui vel unicum deprimendo, torrexeris hominum millia, & nutantem Rempublicam nostram, vel dum percuteres, confirmaris. Propterea, vindicem te fatetur libertas, parentem populus, restauratorem patria, ipsaque, si possent, vocalia fierent lilia, ut tibi candorem suum, amota turpi, tot vitiorum contagione, deberi faterentur. Desideraret volumen illius sententiæ tuæ paraphrasis, adeo videlicet, vel in Mazarino sine flammis, Alcide felicior, elisisti Lernæum monstrum, multiplex malum, in tot quotidie feralia capita suppullulans, quot excogitabat commenta, ut si quis superesset in venis cruor, illum eliceret inexturabilis nostri sanguinis hirudo. Sed in hoc tamen te sensimus equiorem, Augustissime Areopage, quod Cæsaris te nostri Vindocinen-

sis, scilicet, Beaufortij & Houdancurij præstiteris ultorem: in illo exulabat amor Henrici Magni, in istis duo terrores bellorum squallebant in situ carcerum, Hercules, opinor videri volebat ille nefarius aduersus hunc Geryonem, qui tantus esse non poterat nisi pro more suo fieret adulter. Quid tamen euicit, Cæsaris hoc exilio non extinxit illustre nomen; sed gentibus exteris visendum dedit: Beaufortij & Houdancurij non aboleuit memoriam, sed omnibus eorundem fortius iniecit desiderium. Tibi sufficit illustrioris fulmini materiem, dum in tantæ tam inclytæ Triadis vindictam tibi detonandum incumberes. Quid igitur in posterum de te tam fortiter, in hoc Syllano capite præludenti, non expectabimus. Heroum cœtus Illustrissime, quippe qui post percussam anathemate tuo turbulentum incentoris caput, selegeris tandem ab illustri Lotharingorum familia nostris præsciendum copiis Imperatorem generosissimum Ducem d'Elbeuf. Meministi forsân externæ Tyrannidi fatale nomen, & miratus priuatam tanti Principis ad bellum indolem, censuisti, non posse te felicius dironare in hostes libertatis, quam si tantum, tam nefarijs ipsorum consilijs obicem, obstrueres: Eat profecto faustis auibz, non sine Diuûm mente selectus Heros: vincat tibi, vincat sibi, vincat libertati, vincat patriæ: dum ego interim, ancillanti Themidi tuæ Rhetorica, Iudicum galliæ confessus selectissime, quæ paucis expressit, latius expono. Triduanoque labore, quem in compendium tu, in volumen ego Azarinum redactum, oculis subiicio, quamquam Anonymus, tibi tamen si placuerit, agnoscendus, & cum Gallia tota futurus semper.

Adiectissimus, Obsequentissimus,
& deditissimus seruus

M. D. B.

ICON TYRANNI
IN INVECTIVA
CONTRA MAZARINVM
EXPRESSA.

O Rator in te dominuehor, nec videri possum, nec ambio, Mazarine. Non possum profecto, quia nequeunt amplificari, quæ tu gessisti, & scelerum tuorum atrocitatem complexisti cumulatus, quam ut ulterius vel ipsa possit hyperbole prouehi: non ambio, ne sordescere videatur oratoria maiestas in tam humili materie, & te, quem ab ergastulis Siciliæ liquet enatum, dum sibi subiicit in materiem, tibi potius faciat nomen, quam detrahat, dum etiam inuehitur.

Quod enim est tibi nomen aliud, quam quod habes ab errore Gallorum, qui te suo dum præfici passi sunt regimini, non agnouerunt fraude tutum Italia, vel certe non excuserunt prius de clauo, certi periclitari non posse nauim Gallicam, vel dum à minimo mortalium regeretur, nec infici posse candorem insitum Gallis, vel in ipsa etiam contagione vitiorum, quæ nisi vidissemus in te, in hominem cadere nunquam posse credidissemus.

Fecisti profecto fidem historiis Caligularum, & Nerōnum, ex quorum gente nobis transmissus es, & in te totam speculari posset tyrannorum aetatem, quisquis longa perosus euoluere, rerum gestarum volumina, curiosos oculos defigere velleret in compendio, & in vno capite, per omnia retro secula, sparsam indolem obtueri.

Affyriis ingenuit natura ferociam, Medis perfidiam, mol-
litiam Persis, superbiam Macedonibus, perfidiam Græcis,
Carthaginensibus crudelitatem, tibi omnia: quæque sparsit
in alios, in te collegit, abortiuo dixerint alij fufum te ab vre-
ro partu, crediderim ergo fœtum te prudentis esse naturæ,
quæ te fufcipi voluit in lucem his fœdum dotibus, ne dero-
garet fidem monftris antiquitatis, quifquis te inftar omnium
aduerteret.

Ne vero tibi credas affingi (firamen adhuc potes in hoc
omnium odio tibi fapere) totum te pererræ, vel pererrari pa-
tere, vt à calcaneo ad verticem, in te videas inefle nihil, vn-
de tibi non conflari poffit inuidia maior, quam quæ fuftulit
illos olim tuæ gentis tyrannos, in quos quamquam liqueat,
mentiri te impudenter, cum refers originem, videris tamen
conuiciffe, quod te ab illorum moribus degenerem non
præftiteris.

Quid enim amafli literas? an bellum? fagum? an togam?
ytius promouifti dignitatem, dum in te procumberet moles
regni, & tutelæ muliebris administrator torqueres Sceptum
infantile, quod tibi, non prudentia noftrorum, fed fortunæ
cæca temeritas addixit: literas, certè non amabas, quas nef-
ciebas, & digniorem fcimus extitiffe neminem, qui tuos ad
amores obreperet, quam qui nihil fciret, vt ignarus falem
apud ignaros præfideres, & minus cæcutiens, cæcos omnino
pro libidine præcederes: Vtinam falem tu tantus literarum
ofor, grandior denique fias litera, & facere cogaris mortuus
quæ viuus odifti, vt doceas vel vno tuo charactere deftina-
tum te iam vfque à cunabulis ad literas; quippe qui literam
vel moriendo etiam feceris.

Bellumne vel amafis, vel amari paffus fis, dubium eft. Hoc
certè liquet voluiffe te, vt fieret remiffius, nimirum qui nera-
uos ei præcideris: ferro Hispanos Galli enecabant, tu Gal-
los fame; Rapinarum tuarum maior eft clades quam hostici
ferri, & incertum eft vter plures fuderit Gallos, tu, an hostis;
neque tamen intra castra continuit fe furor ille tuus, toto

peruagatus regno defauit etiam in carceres, quæfuitque extra lucem in ergastulorum tenebris ubi videretur crudelitas, quamquam & molliorem te decebat esse cum ergastulis, in quibus te peperit Sicilia, vt omnino saltem non esses Nero, si te natalium tuorum reuerentia quæpiam afficeret.

Quid ergo placuit nec literariæ, nec bellicæ menti? quam sustinuiſti in hoc theatro Gallico, Personam, Mazarinæ Publicam? an Priuatam? vtrâque profecto: Publicam sustinuiſti dum publicè raperes, dum publicè fœvires, dum publicè mentireris, dum publicè iurares: priuatam sustinuiſti, dum furtiuis veneribus Purpuram inquinares, & Ecclesiæ Principis dignitatem deprimeres inter Vpupas & Catamitos, reuocatus ad iuuenilem disciplinam qua lenonem digeris egisse, postquam ex infami mancipiorum fœce quasi subirato partu Natura te exscreasset.

Inuexisti, flagitiose, personam illam in hocce Gallici pudoris theatrum, ad quod ante te nullus adrepserat sic turpis actor, & exclusisti pietatem à regia nostra, dum aulicorum Pharus sceleribus dumtaxat & flagitiis prælucebas; quis enim ea non credidisset impune vestigia teri posse, quæ præsignaret Ecclesiasticus murex, & quis errarurum se tandem arbitraretur, si se ad amussim tuam, tanquam ad propositum virtutis exemplar exigeret: sed non advertebamus maligno tibi fulgore ignoscere purpuram, & ardere sceleratis flammis criminum quibus modestum illius pudorem succendisti.

An tamen fuisti satis impius, vt in eam tibi mentē tutelæ regalis administrationem seponeres, quo facilius in hac molli Regis infantis indole tuam imprimeres; lentosque REGULI non communia fata, vel in aditu vitæ præsagentis affectus ad tuos adtemperares. Ausus est hoc profecto consilium, te spectante Gallia, & passa es Scironi committere tuum Achillem instruendum ad rapinas, dum & Polybios Æmilianus, & Firmianus Crispo, & Agrippas Augusto, & Arsenios multos Arcadio tuo præficiendos haberes.

Proh Deum immortalem! quæ tuos hoc fascino potuerit

tunt oculos obnubere tanta carmina, vt non aduerteris fœdum esse, & insolens hæcenus, Sceptrum à pedo, solum ab aratro, Regiam à mapalibus, ab humili denique mancipio Regem informari. Sed ita te crediderim non sine diuina mente hallucinatam, vt intelligant exteri, quàm regale sortitus sit noster I. V. D. O. V. I. C. V. S. ingenium, qui videlicet ab hac tanta vitiorum contagione illibatam indolem seruauerit, vixeritque puer sub obscæno castus, sub bilingui sincerus, sub avaro liberalis, sub crudeli mansuetus, sub impio denique regimine pius, neque fingi se passus sit vnquam ad amissim ad quam dirigebatur.

Non igitur inolescendum tibi, Mazarine, neque propterea sumendi maiores spiritus, quòd affederis clauo Gallico: eadem enim fortuna quæ Nerones Romanis, Cambyzes Persis, Pisistratos Athenis, Dionysios denique, & Agathocles Gentilibus tuis Syracusis, eadem te nobis imposuit, & quamquam ibi sedisti, vbi sederunt Cardinales, Ambrosiani, Petrocorenses, & Richelæi, virtutis tamen præmium non fuit hoc culmen, sed cæcæ temeritatis, quæ felicibus Gallorum armis obstruere nullos cùm eualuisset obiees, te censuit opponendū, vt, te non impediante quidem, sed non promouēte, ita denique cursum felicitatis nostræ remoraretur.

Sic eadem quondam fortuna, Sardanapalum Assyrio clauo præfecit, vt quotidianis virtutis Assyriorum incrementis sub impotenti libidinum suarum Principe modum statueret. Sic Balbo Michaëli subiecit Aquilas, vt sub inscientissimo mortalium capite, firmam licet, sed omni destitutam regimine molem imperij succurreret. Sic Pisoni fasces consulares commisit, vt eorum saltem fulgorem sub annuo ridendi Consulis Imperio suffuscarer. Sic te denique nobis imposuit, vt sub deside, sub ignaro, sub crudeli, sub impio, sub obscæno, sub aleatore denique ministro, quem armis non poterat hosticis, vitis saltem tuis Liliorum fulgorem offuscarer, vt quod impetu non poterat Hispano, tua felicius mollietie robur eneruaret.

Neque

Neque tamen eueit quod expeſcebat, re quidem in hoc Gallorum Theatro viſendum omnibus non tam propinquit indigenis quàm exteris, & iniecit ſpem Leonibus & Aquillis, ſi coniuratis armis in nos irruerent, ita fore tandem, vt promotos ſub Richelæo limites imperij, ſub Mazarino, ſeſtatore alearum, deliciarum omnium mancipio tranſgredereſentur, ſed non emolleſcere potuimus etiam te præſide, quòque molliorem aduertebamus miniſtrum, eò magis obdureſcebat noſtra virtus, vt aſſueti triumphis & victoriis, etiam ſub deſide militem non dediceremus.

Quot enim non corruiere propugnacula, quot noſtris tormentis diſcuſſæ radicitus arces non cecidere, quot viſtribus armis non decurſæ ſunt nationes, quæ littora, quæ plagæ non eo ſudarunt ſanguine quem effudimus, quo ies proſecti, regreſſi ſumus ſine palmis, quo ies aggreſſi non triumphauimus, imò, quod ſuperat fidem, vicinus ſæpiùs quàm pugnauiſmus, & ita viſa eſt ancillari noſtris Imperatoribus fortuna, vt interdum videretur ipſa ſibi tardior niſi prius adeſſet multoties, quàm expeſceretur.

Quid tu interim? an non efferaberis fortunæ mancipium, cum aduerteres fortunam, quæ te noſtris armis obmoliebatur obicem, eorum nequaquam poſſe liſtere triumphalem curſum: itane deſidebas, vt gratiam relaturus fortunæ, quæ te tantum è tantulo fecerat, nihil, vel cum crimine, criminum omnium labe contaminatiſſimus auderes. Auſus es proſectio, & vbique in aliis deſes, exiſtiſti generoſus ad crimina, & cum eſſes ipſe fortunæ crimen & opprobrium, credidiſti melius non poſſe rependi gratiam quam ſi crimen crimine compenſares, nec famulari te poſſe fidelius ſceleſtiſſimæ dominæ, quam ſi qualem te fecerat talem exhiberes.

Proh Deum immortalẽ quantus ſeſe mihi modo campus aperirer, ſi tua ſingulatim exequuturus crimina, hæere vellem in obuiis: ſed te hic daturus in compendium, aliorum relinquo voluminibus, & ſatis erit dixiſſe modo, quod

satis erat fecisse, vt millies in crucem subigereris, nisi re quemadmodum erexerat iniustitia, ita conseruasset.

Agedum in quo hærebimus Mazarine, an in veneribus, & deliciis, in quibus vel ipsa iterum atque iterum erubuit purpura, quæ seruales tuos humeros honestabat? profecto non est operæ pretium in his immorari, in quibus deposuisti tyrocinium impietatis, ne videamur sectari libidinem, cuius vel adolescens rudis non eras. An perscrutabimur versipellē i lam, & insidiatricem animam, quæ tuis omnibus sceleribus famulata, ne cum atrocitate sua, quanta erat, viderentur, Laruam obducebat? imputare posses hoc vitium gentilibus cunis, neque tuum arbitramur esse, quod natura tibi commune cum aliis ingenuit. An hærebimus in vindicta, quæ te tenacissimum iniuriarum ita vocauit in omnium inuidiam, vt ne vel ipsis quidem posses sapere, qui te tamen æmulabantur. Et hoc pariter crimen cum Libanio vocares splendidum furorem, qui cum nobiles omnes, vt impiè mentitur mundus, habeat affectas, te vel primipilum habere debuit, vel pharum, vt cum authoritate fieret. An attingam homicidia tua? quotidiana sunt, & plebei furoris est in vulgari sanguine vilescere, dum nequit in ipsis procerum ingulis exsatiari? Venus, proditio, vindicta, homicidium, priuata sunt crimina, dixerim priuatum impietatis tuæ satellitium, ac quasi prætorianos improbitatis domesticæ laterones, quibus priuatus indulgebas, ne, si publicè fierent, segnior videreris ad crimina, qui te ambires audaciorem haberi.

Prodeat itaque furor ille tuus è domesticis parietibus, & cum splendorem affectet vel in sceleribus apricetur ille tandem ad lucem publicam, vt quæ tuis sapuit, omnium inhorrescat. Prodiuit profecto sed cum apparatu, & in publica tua rabie visus est renasci vetus ille Caligulæ furor, qui Romanis olim omnibus vnum caput experebat, vt in vno posset iugulo simul omnium sanguinem ebibere. Innocentes suffixisti patibulo; publicum fuit scelus, sed quia fiebat in priuatis capitibus, ideo tuum pudet nuncupare, quod non ediderit

internecionem. Virgineum florem multoties sacrilego concubitu decerpisti, sed appetentem publicæ castitatis libidinem non exsatiabas dum te scortis & meretricibus priuatim immisceres. Multos euertisti fortunis, sed dum in publicam perniciem, sacra immineret auiditas, ponebat in priuatis capitibus furor tyrocinium, vt publicis direptionibus præluderet.

Nihil amplifico Mazarine, Vix enim cogitando, nedum scribendo possum assequi, quæ tu exequendo peregisti: quidquid dixi, tuum est, imo tuum forte non est, quia minus est, quam quod egisti. Quid ergo tantum illud est; audiant & oderint Galli, Hispani, Germani: Ecclesia, totus orbis. Paciam prope sancientiæ Leones inter, aquilas & lilia solus obstitisti, vt saltem Neronis ad instar, cum solus non competeres ad ciimina, quæ auebas; communi totius Europæ prope modum incendio mentem exsaturares; Non satis fuit crudelitati tuæ, Gallorum effundere sanguinem iniquo multoties carnificum gladio, nisi vel ipsis etiam cruentis omnium gentium torrentibus innatares, priuataque përosus cædes publicè fieres homicida. Non fecissent satis veneri tuæ constuprata passim in vrbibus selectæ virgines, nisi & sacrilegus, & adulter, & incestus, & ereptor cum effreni militum licentia, subiisses in omnes gentes admissarius, secretiorémque pudorem, ad ipsa penetralia prælucentibus tibi flammis impudicis compressisses: sterilis tibi visus fuisses ad supplicia, & pœnas, si mortem miseris dolorum terminum intulisses, propterea gladio bellico depopulatus Prouincias, & intra regnum & extra, vastitatem intulisti, vt quam inuidebas miseris mortem, vitalem faceres: non hoc Nero, non hoc Procastes, non hoc fecisset tuus Dionysius, sed tu crudelior commentus es quomodo etiam ante mortem enecares.

Proh nimiam Gallorum cæcitatem! homicidas priuatos quotidie subigebamus in crucem, & te publicum patiebamur: latrones & sicarios imponebamus in equuleum, &

tibi publico Prouinciarum prædoni parcebamus. Sacrilegos & incestos subiiciebamus flammis, & te veneris ignibus propalam exardescentem, viuum etiam non decoquebamus. Trucidabamus incentores priuatarum seditionum, teque Europæ seditionis & fomitem, & fautorem inultum esse sinebamus. In te, in te sæuiendum fuit, dum tu in omnes defæuires, tibi vni non parcendum erat, dum tu nemini parceres; tuum vnius licet purpuratum caput violandum erat, cum tu nihil, sacrum quamuis illud & venerabile illibatum esse patereris, sed quamuis furori nostro debebaris iam pridem victima; tuo tamen ideo parcebamus capiti, vt publicum Gallicæ gentis anathema, publica etiam Themidis iustitia, vel demeteret ferro publico, vel proscriberet.

Pœnitet me prope calamum meum tanto scelerum Oceano commississe, vnde nunquam emerurus videar, si vel intactâ criminum tuorum plebeculâ, velim grandiora duntaxat insectari; non tamen gradiar retro, quamuis animo nunc meo cum horrore progrediatur obuiam, ad cuius obtutum conuiuerent vel atrociores oculi, conscios haud temerarius arbitrarer.

Quid illud est quod grande dicturus videor & insolens Mazarine, diuina tu ipse: si tamen in horrenda criminum serie, discernere tu potes ipse quod sic maximum, qui maximum nullum arbitraris, si maius possit aliquod excogitari. Nosti **CONDÆVM**, nosti fulgorem Gallici nominis & Solis iridem Ludouicæi, nosti Rochroënses, nosti Norlinghensem, Friburgensem, Lansiensem, nosti meliori iure dicendum quam Darium. Nosti **HARCVRIVM**, fulmen illud bellorum Parthenopæis stragibus insigne, nosti terrorem Hispani, amorem Galli; nosti Triumphatorem æquioratione quam Pyrrhum dicendum Aquilam. Nosti **Cæsarem Vindocinensem**, nosti virum te quam nomine maiorem, nosti Surculum magni non tam ingens Patrij, quàm magnanimitatis hæredem, nosti denique Principem vocandum æquiori merito, quàm Fabium, clypeum libertatis.

Nosti

Nosti BEAUFORTIVM tantæ illum expectationis. Principem, nosti Heroa vel ipsa se frontis maiestate commendantem, nosti obicem furorum tuorum, nosti Scipionem Gracche, Tullium Catilina. Nosti HOVDANCVRIVM Magistrum equitum expugnatorem Ilerdæ, Catalaunicis triumphis illustrem, nosti Ducem nullis non bellis præficiendum, nosti Imperatorem non prudentia consilij quàm celeritate Cæsarea commendatiorem, dicendum potiori merito quàm Marcellum, Patriæ gladium? Quare trepidas, quis te scelera Alastor tam subito pallore mutavit? Erubescere potius si tibi post scelera tua pudoris vel tantillum superest, & fatere te saltem hîc reum, quandoquidem minora sunt cætera, quàm ut tibi atrociora meditantis censenda inter crimina videantur.

Indulseris enim profectò cupiditatibus obscænis; & depopulatus sis sacra, & prophana diripuëris; sanguinem sparseris & privatum & publicum; fidei Sacramento tete multoties absolueris: quamquam atrox, nondum tamen insolens est impietas, quam tu nactus es ambitiosior, quàm ut præceptis non dedignetur alienis insistere. Puderet te laudum quas tibi inerereur imitatio, & haberi pigeret improbum, nisi te non tam atrocitas supplicij quàm novitas commendaret, & invenisse te crederent alij crudelitatis modum, quem infigeres.

Eapropter irritabant te non satiabant cædes publicæ incendebant non exinguebant venereos ignes privatae libidines, obdurescebas non emollecebas ad publicas calamitates, quia nihil dum feceras sine exemplo, & transmitti volebas apud posteros ut exemplum, ad emus sese fingeret amissim, qui vel ipsorum vellet Neronum crudelitatem supergredi.

Attende dum euoluam quæ tu agglomerasti crimina, in Condao & Harcurio inclinatæ sciebas recumbere spes omnes Imperij, Galliæque totius in duobus meditatæ perniciem, dum in Catalauniam proficiscuntur, præcedisti neruos

bellorum, & subtraxisti copias auxiliares, ratus emerfuros nunquam è periculis hosticis, quos in illa sine viribus immergebas? quid autem illud erat consilij, an nos fore putabas ita nescios tuæ mentis interpretes, ut non dignosceremus in duplici te Condai & Harcurij, capite meditari vindictam Belgarum & Hispanorum, cum quibus occulto fœdere cohærebas? an credebas illud nobis non subolescere consilium, quo in duobus sperabas te successurum incumbentem ipsis Gallicæ felicitatis machinam; ut in duobus plures cæderes? Vel ut in duobus potius insueta crudelitate faceres internitionem, Gallosque subtrahis duobus fortissimis clypeis, improctos hosticæ relinqueres libidini, cui fidem nobis sacramento adstrictam vendideras.

Quid si cessisset tibi consilium ex animi sententia, scelerate? si Fabium & Scipionem demessisset Mars. Catalanicus, Hispano debebamur Hannibali; si Torquatus perisset, & Camillus, Germano tradebamur Brenno: si Clypeum amissemus & Ensem, inermes hostico futuri permittebamur, & forte nisi præcauissent Superi, te vno actore, quod experebas, facta esset Galliæ totius funesta catastrophe; tantumne, sceleste, liquit tibi in hæc tanta capita, quorum honorariæ multæ nā vel tu satis es, etiam si tibi vita post mortem millies iterum atque iterum oppetendam restitueretur.

Sed quid in VINDOCINENSI parabas, inuidebas dubio procul esse Cæsarem nobis maiorem gentili tuo, sed errasti profecto cum facessere iussisti procul à Gallia: notam enim iam abundè nobis virtutem dedisti suspiciendam exteris, & fecisti ut crederent turbulentiorē esse te, vel nequiorē quam PETILIUM, qui maiorem AFRICANO virum ablegares, & ipsum etiam exilium tanti Herois commendatione illustrares.

Speciosa tamen fuit illa crudelitas, qua, tres sublaturus triumphatores, in bello saltem tortorem quæsiisti, vel in exilio pœnam, conspicatus rationem, qua vel te, auctore, gloriose tamen, vel emorerentur, vel aliò facerent. Sed

egisti crudelius cum BEAUFORTIO & HOVDANCVRIO;
 quorum primum in spem imperij crescere, creuisse alterum
 videbas, & vtrumque quod inclutus esset, carceribus inclu-
 sum delitescere voluisti, ne cæcutiret tibi debilis acies in ob-
 tutu splendoris, qui multus ex vtriusque, vel virtute vel na-
 talibus emicans, scelestæ tibi vitæ tuæ sordes, & sordidam
 cunarum tuarum humilitatem exprobrabat.

Vah flagitiosum caput; itane tibi mentis aciem perstrin-
 xit honoris ille non meritis apex, vt in Principis & Magistri
 equitum ardua capita luserit audacior manus, itane te deiecit
 è sana mente, vt speraris impune futurum hoc facinus Gallis,
 quod ne vix fortunæ quidem ignoscere mus.

Fuit ille tamen tuus imprudens furor, abstulisti enim
 ignominiam carceribus satellitij in Basilicis, ex quo fieri
 placuit, eosdem, tantæ dignitatis domicilium, illustrasti erga-
 stulorum tenebras, ex quo tempore tantum ibi fulgorem il-
 lutescere voluisti, irritasti ambitionem criminum, nemi-
 nemque forte deinceps arbitror, qui tibi non malit videri reus
 quàm innocens, si tamen in se sperauerit, quemadmodum
 & in illos animaduersurum.

Sed vnico carcere non definiebas tui consilij modum;
 carcer enim crimen erat & scelus nondum impotentis ani-
 mi, & quandiu non irascereris, tandiu volebas illustrissimos
 Heroas in squalore carcerum, & quisquiliis sordescere, do-
 nec erumpente tandem in iracundiam furore, vel vtrius-
 que caput proscriberes, vel corrupta ad hoc iudicium The-
 mide, publice cæderes.

Eminuisti cum antea semper, tùm in hac occasione po-
 tissimum Themis Gallica, neque enim pretio potuit cor-
 rumpere tuam integritatem iste nefarius, neque minis ex-
 pugnare, neque illecebris emollire; aurum obtulit; sed au-
 rea tibi lances, noui fulgoris incremento, virorum eo for-
 tius expendebant innocentiam, quò splendidior ostendeba-
 tur: intentauit minas, sed quo imminebat ille ponderosior,
 eò fortior contra palmaris semper æquitas obnitebatur. Il-

lecebris laceſſebat, ſed in hoc puerili certamine turpe duxiſſet occumbere iuſtitia, quæ minas incrudeli, aureas in flagitioſo vires deſpexiſſet.

Debes hanc imperterritæ iudicium noſtrorum integritati gratiam, Mazarine, quod ille videlicet tantorum Heroum ſanguis, reliquis crudelitatis tuæ titulis non acceſſerit, & victoria tibi debet inſtar eſſe ſi tamen non omnino cæcutis, quod non ceſſerint, at tuam potius improbitatem, integritate ſua ſuperauerint. Quid enim admiferant quamobrem tollerentur, blaſphemo, quid peccarant, quamobrem incarcerarentur; aberro, quid inquam non perperauerant, quamobrem non omnino dignus morte crederetur, quiſquis in illos vel ſolam criminis ſuſpicionem admitteret; ſed ſatis erat furori tuo ſi quis poſſet mori, & nocentior haberi nemo poterat, quam qui tibi non ſaperet, vel amore, vel odio tuo deſſiniebas crimina, & vt fulmen crudelitatis tuæ deuibrareſ: non quærebas quis peccaſſet, ſed quis ſubeſſet, imo quis extaret ſupra te, qui videlicet in Condaø Borboniam, domum, in Harcurio Lotharingam, in Beanfortio Vindocinensem, in Houdancurio Mareſchallatum laceſſaueris. Abblandiantur aulici tui tibi canes vt voluerint: ego enim cum ſanis omnibus interpretor voluiſſe te extingueret ſplendidiffima illa Galliæ lumina, & amouere procul generoſiſſimos illos tui furoris obices vt perfracſtis denique validis illis nequitia tuæ repagulis, Sylla Marioque crudelior in omnium fortunas inuolares.

Quo enim horrore criminis potes perterriti; Mazarine, qui pudorem omnem à perfectæ fronte, ex aſſuetudine: peccandi proſligaueris, & proieceris effrontem animam ad illa ſine trepidatione perpetranda ſcelera, in quibus vel ipſi erubeſcerent, qui criminibus & flagitiis inſueuerunt & profecto qui te noverant mirabantur, quæ ratione vel quibus potius præſtigiis irrepiſſes ad hoc Eccleſiæ culmen, ad quod ne vel ipſi viderentur euerſendi, in quos cadere poſſet, non criminum, ſed virtutis etiam frigida ſola ſuſpicio: Sed hanc ego

ego purpuram non sine mente diuū crediderim obtigisse tibi, vt tibi, cui vultum scelestissimo pallore, criminum infecerat familiaritas, saltem aliquis subesset pudoris rubor vel in habitu, quo erubesceres semper qui semper peccares, ac proinde nunquam omnino improbus, vel totus ex omni criminum labe compactus videreris, nisi cum habitum, omnimodæ improbitatis obicem exueres.

Mirentur modo alij tuam ad scelera quælibet audaciam, expauescant in sola mentione criminum quibus tu aridebas, horrescant audire, quæ tu dum efficeres, triumphabas; ego sane nec miror, nec horresco, nec expauesco, qui videlicet aduertam ab effroni timeri hoc vnum posse, ne videatur bonus, neque vnquam perfritum caput erubescere, nisi quod erubuerit & puerili pudore pallorem impietatis intimæ verum indicem incenderit.

Proh Deū immortalem! quam bene nobiscum actum est, quod tuo non tantum acuminis ingenio quam crudelitatis indiderit natura, & quæ te fecerat improbum, hebetem saltem & stupidum reliquerit: excogitasses in aula nostræ quæ Bistonius erubuisse tyrannus, & Busiride peior, Proculste atrocior, etiam in nouitate suppliciorum, cum nostris modestæ nouitatis amantibus, colluisses.

Hæctū, Cardinalis, ausus es, hæc tanta crimina, hanc tantæ vitæ licentiam, has libidines, hæc sacrilegia in oculis Galliæ, in hoc orbis compendio, in hoc Ecclesiæ theatro, obscene, crudelis, intemperans, proditor, sacrilege, ô pudor Ecclesiæ! ô Galliæ dedecus! ô mundi propudium. Extractunt è plebeis cunarum sordibus mancipium eueximus super omnium capita: non ab aratro, inde enim & consules olim prodibant, & dictatores, sed à turpi sordidæ conditionis cœno petitas manus nostro præfecimus temoni; intemperantissimum Cyclopem purpurâ sacra vestiuimus; quis ad hæc non expauescat?

Sed illa sunt præludia machinantis aliquid deterius, ô Galli: sparsam enim in hæc omnia crimina modò collegit

impietatem, ut toto quasi scelerum impetu, totus & ipse pariter in nos irruat. Non satis est viduasse domos, ciuitates exhaustisse, fana spoliasse, facultates ex opimis beneficiis collectas impendisse in nefarios usus, infontes multasse, ærarium publicum expilasse, toti Gallia vastitatem intulisse, nisi vobis postquam eripuit fortunam, eripiat & vitam, immerfosque bellorum ciuiliū furoribus, vel ense demetathostico, vel proprio, vestroque satur & auro & sanguine, saluus ad indigenas suos regrediatur.

An non illud patet etiam cæcutientibus consilium: regem nobis non abstulit modò, sed furatus est, aususque sacrilegas in ipsum iniicere manus, quasi parum esset totam diripuisse Galliam, ipsam etiam maiestatem regiam prædò nocturnus deprædatus est. Ad famem nisi iam omnino compulsi, compulsurus est, eoque redegit, ut ne vivere quidem sub mansuetissimo Rege liceat sine rebellionē, imposuitque, vel vincendi Regis, vel moriendi necessitatem.

Quò spectarit hæc rabies, coniectate pueri (neque enim homines desiderat hoc iudicium.) Equidem nisi totus in **LENSIENSIS** clade ita periit Leopoldus, ut sese nondum colligere potuerit ab hoc terrore quem incusserat nuper incumbens ipsi à tergo Condæus, si adhuc è pristino heroë quem ostentabat Thrazonicus ille, superest vel ratum semivir, quid obstat quominus armatus terrorem Martium usque ad ipsa regni penetralia promoueat? Quis obstruet tepagula progredienti? quis triumphantem inhibebit? ipsa Erynnis publica demerentibus sine obice palmarum segumenta copiis hostilibus ancillabitur, nostris nos armis eius triūphis apprehēdiabimur, & quisquis ab hoc intestino tumultu cesserit victor, vel Rex, vel ciuis, ille forte iam suū dimidio minor, tibi Leopolde, dabitur ad triumphum.

Abominor hoc præsagium, Superi, & te potius, abominande Mazarine, victimam expeto & Cahtarma publicum, qui iam propè, quod habuit Caligula quondam in votis, exequutus es. Quæ te diræ, quæ te Erynnis, quis te furor ita suis

exagitabat stimulis, ut nondum tota satur Gallia, sitires adhuc sanguinem Borbonium, expeteresque litari furori tuo, quis non horreat, vel ipsis etiam Gallorum manibus REGEM, AVRELIANENSEM, CONDÆVM, LONGAVILLAM, HARCVRIVM, dum in varias diuisi factiones, tibi vni vel cum capitis periculo congregarentur.

Sic sic, improbe, tua debuit crudelitas assurgere, quod te celsiorem nostræ Themidis percuteret gladius: in hoc sedendum fuit improbitatis editissimo culmine, ut ponderosius rueres. Hæc tuæ debuit esse moles magnitudinis, quæ tot capere posset fulmina, quot generosissimos EPHROS noster habuit Senatus, ut in te detonaret.

Sperabas, impie, ut qui iam inulta pristina tua scelera passus erat augustissimus Arcopagus, idem hoc extremum impune labi pateretur, vel forte dum lenta procederet ipsius æquitas, futurum arbitrabaris, ut nunquam te assequeretur, qui præcipiti gressu videlicet in improbitatis stadio decurreres; sed, qui lentos sciebas, grandiores scire debuisti gradus æquitatis, & quanquam serò molerent deorum molæ, bene tamen comminuere consulto trahebatur indicendum tibi, in hoc diuûm consistorio, supplicium, sed non adducebatur brachium, nisi ut firmior in verticem tuum libraretur bipennis, & grauitate denique supplicij tarditatem suam illustrissimus ille cœtus compensaret.

Miramur tamen, SENATVS AVGVSTISSIME, quod comperto læsæ maiestatis capiti, perturbatori, incentori, & prædoni publico, solam in omne supplicium fugam inflixeris, qui damnatus ad triremes, ad cruces, ad equuleos, ad patibula, te molliorem adhuc experiebatur; sed vel in hoc mysticus es & diuinus, Mazarinum enim non poteras tollere sine gratia, & quantumuis seuerus in ipsum detonuisses, mitius tamen sæuiebas quàm cum ipsum stimulis conscientiae tortoribus intestinis discrucium reliquisti. Nasurus enim carnificem se ipso semper humaniorem, suo debuit furori permitti, ut qui iam omnem & æquitatem & hominem

exuerat, dum in nos, dum in se desuieret, & hominem &
 æquitatem resumeret. Exeat itaque iam infamis, iam censo-
 ria vestra Themidis virga notatus, & qui, quod insolens pro-
 pter crimina sua meruisse non potuit vt occideretur, ille tan-
 dem in omne supplicium, viuat.

FINIS